



册府元龟

卷之三百五十九
至六十



13
849
119



門 4 3
號 849
卷 119



册元龜

淮南李嗣京參閱

西極文翔鳳訂正

豫章黃國琦較釋

將帥部 二十

唐崔九遠為鳳翔節度使上元元年於普閭縣界破

党項四千餘衆斬首二千餘級生擒一百餘人收獲

駝馬牛羊器械等不可勝數

罷元皓為青密等州節度使上元二年六月破史朝

將帥部

義下將僞驃騎大將軍李元遇等馬步一萬人擒賊將馬登封等十人斬首五千餘級

張伯義初隸河東節度使李光弼以戰功累遷試太嘗卿上元中賊帥袁晁亂海浙光弼俾伯義與諸軍討之招綏叛亡下蕩山洞功爲第一繇是擢授睦州杭州刺史

李晟爲鳳州節度使高昇列將上元中擊疊州叛羌於高當川又擊宕州連狂羌於牢山皆破之累遷左羽林大將軍同正廣德初節度使孫志直署晟總遊兵擊破党羌高玉等賊以功授特進光祿卿轉試太

嘗卿大曆初李抱玉鎮鳳翔署晟爲左軍都將四年吐蕃圍靈州抱玉遣晟將兵五千以擊吐蕃晟辭曰以衆則不足以謀則太多乃請將兵千人疾出大震闕至臨洮屠定秦堡焚其積聚虜堡帥慕容鍾而還吐蕃因解靈州圍而去拜開府儀同三司涇原四鎮北庭都知兵馬使累封合川郡王爲右神策都將德宗卽位吐蕃寇劔南時節度使崔寧在京師三川皆恐晟將神策兵萬五千救援晟乃踰漏天攻拔飛越廓清肅寧三城絕大渡河獲首虜千餘級虜引去因留成都數月而還建中二年魏博田悅反將兵圍臨

洛邠州詔以晟爲神策先鋒都知兵馬使與河東節度馬燧昭義節度李抱真合兵救臨洛諸軍皆却晟引兵渡洛水乘冰而濟橫擊悅軍王師復振擊悅大破之三年正月復以諸道軍擊敗悅軍於洹水遂進攻魏州以功賜實封百戶四年冬德宗幸奉天詔晟赴難授神策行營節度使實封二百戶白河中錄蒲津而軍渭北碎東渭橋以逼朱泚累加同平章事興元元年五月二十五日夜移軍於光泰門米倉村以薄京城晟臨高指麾令設壕柵以候賊軍俄而賊衆大至晟遣吳詵康英俊史萬頃孟涉等縱兵擊之時

華州營在北兵少賊併力攻之晟遣李演孟日華以精卒救之中軍鼓譟演力戰大破之乘勝入光泰門再戰又敗之僵屍蔽地餘衆走白華夜聞慟哭之聲二十八日晟大集諸將陳兵於光泰門外乃使王佖李演率騎軍史萬頃領步卒直抵苑牆神麿村萬頃先登拔柵而入佖騎軍繼進賊卽奔潰大軍分道並入鼓譟雷動賊將姚令言張庭芝李希倩猶力捍官軍晟令唐良臣趙光鈇楊萬榮孟日華等步騎齊進賊軍陣成而屢北戰十餘合乘勝驅蹙至于白華忽有賊騎千餘出於官軍之背晟以麾下百餘騎擊之

左右呼曰相公來賊聞之驚潰官軍追斬不可勝計
朱泚姚令言張庭芝尚有衆萬人相率遁走晟遣田
子奇追之其餘兇黨相率來降京城平以功拜司徒
兼中書令實封一千戶克鳳翔隴州節度使兼隴右
涇原節度管內諸軍及四鎮北庭行營兵馬副元帥
封西平郡王貞元二年十月出師襲吐蕃摧沙堡拔
之斬其堡使扈屈律悉蒙等

上使李晟之甥自河西河北出師晟無役不從朱泚
之亂以河中兵馬使隨晟討賊晟攻賊於光泰門賊
鋒尚勁使與兵馬使李演踰死墻血戰敗賊前鋒諸

軍方振論功爲神策將

呂日將爲興鳳等州招討使代宗寶應元年日將於
興州三嗟谷大破羗賊三千餘衆

嚴武爲劍南節度使廣德二年破吐蕃七萬餘衆拔
當狗城又拔鹽川城

崔寧本名盱爲漢州刺史廣德中吐蕃與諸雜羗戎
寇陷西山拓靜諸州詔劍南節度使嚴武收復武急
召寧統兵出西山寧尅躬撫上皆願致死命始次賊
城周圍皆石礮攻具無所設唯東南隅環丈之地壤
土可穴諜知之以告寧寧晝夜穿地道攻之再宿而

後其城因西北地數百里下城砦數四蕃衆相語曰
崔旰皆神兵也將更前進以糧盡還師武大悅裝七
寶輿迎寧入成都以誇士衆賞賚過厚

王棲曜爲浙東馬軍兵馬使廣德中草賊袁晁亂台
州連結郡縣積衆二十萬餘盡有浙江之外御史中
丞袁倬東討奏棲曜與李長榮爲將聯日十餘戰生
擒袁晁收復郡邑十六授嘗州別駕浙西都知兵馬
使大曆中李靈曜叛于沛州觀察使李涵俾棲曜將
兵四千爲河南犄角以功加銀青光祿大夫建中中
李希烈旣陷汴州乘勝東侵連陷陳留雍丘頓軍寧

陵期下宋州節度使韓滉命棲曜將強弩數千夜入
寧陵希烈不之知晨朝弩矢及希烈坐帳希烈驚曰
此江淮弩士今入矣遂不敢東希烈夜敗後棲曜隨
劉玄佐收汴州遷御史大夫

白元光爲朔方騎將大曆三年九月壬午吐蕃寇靈
州元光擊破之壬辰元光又破吐蕃二萬衆於靈武
獲羊馬數千計

伊慎爲江西衛將大曆八年節度使路嗣恭討嶺南
哥舒晃之亂以慎爲先鋒直逼賊壘疾戰破之斬首
三千級繇是復始興之地未幾與諸將追斬滉於泔

溪函首獻於闕下嗣恭表慎功授連州長史知當州
團練副使三轉江州別駕討梁崇義之歲慎以江西
牙將從李希烈摧鋒陷敵功又居多尋歸本道明年
希烈反嗣曹王臯拔慎爲大將賊兵沂江來寇慎戰
大破其三千餘衆累拔蔡山柵取蘄州降其將李良
又收黃梅縣殺賊將韓霜露斬首千餘級封南克郡
王蘄州刺史克節度都知兵馬使建中末賊已屠汴
州慎以兵擊退賊將杜少誠江路遂通又破苟莽柵
進兵圍安州賊阻澗水攻之不能下李希烈遣其甥
劉戒虛將騎兵八千來援慎分迎擊戰於應山擒戒

虛縛示城下遂開門請罪以功拜安州刺史兼御史
大夫仍賜實封二百戶貞元十五年以慎爲安黃等
州節度管内支度營田觀察使十六年吳少誠阻命
詔以本道步騎五千兼統荆南湖南江西三道兵當
其一面於申州城南前後破賊數千以例加簡較刑
部尚書
李承昭爲昭義節度大曆十年田承嗣攻磁州承昭
援磁州與田承嗣大將盧子期戰於萬泉縣大破之
生擒子期以獻
馬燧爲河陽三城使大曆十一年五月汴宋大將李

靈曜反因絕運路以邀節制代宗務恩大因授靈曜
汴宋八州節度留後靈曜不受命乃與魏博節度田
承嗣通謀承嗣遣其子悅將兵與靈曜共破永平軍
將劉洽詔燧與淮西節度李忠臣合軍討靈曜忠臣
懼賊燒廬舍西走燧勸其還兵請為前鋒擊破田悅
進逼汴州李忠臣行汴南燧引軍行汴北又敗靈曜
將張清於西梁園靈曜又選銳兵八千號為餓狼軍
燧獨引軍擊破之進至浚儀是時河陽兵寇諸軍承
嗣又遣銳將兵二萬救靈曜破永平軍將杜如江畧
曹州又敗李正己遊軍擊走劉洽長孫全緒等軍乘

勝去汴州一舍方陣而進忠臣會宋州淮南浙西兵
馬與戰不請於燧燧引軍四千人為奇兵擊之破田
悅匹馬遁去靈曜知悅敗明日以百騎夜走汴州悉
降後為河東節度建中二年田悅反自將兵三萬圍
邢州攻臨洛築重城內絕其外以拒救兵邢州李洪
臨洛將張仵皆堅守不拔昭義軍數告急乃詔燧將
救臨洛燧軍出崞口兵未過險乃遣人持書諭悅且
示之好悅謂燧畏之十一月師次邯鄲悅遣使至斬
之以獨遣兵急擊破其支軍射殺其將成鉉之悅自
攻臨洛遣大將楊朝光將兵萬餘於臨洛南雙崗下

東西列二柵以禦燧燧乃率李抱真李晟進軍營於二柵之中其夜東柵走歸悅進軍營明山取其棄柵以置輜重謂將吏曰朝光守堅柵不下萬人假令悅等盡銳攻之比數日計不能下殺傷必甚吾此必拔臨洛賞勞軍士而與之戰必勝之術也悅乃分嘗山李惟岳救兵五千以助朝光燧率軍攻朝光固悅將萬餘人救之燧令大將李自良李奉國將兵合神策軍據雙崗禦之燧乃令推火車以焚其柵自晨至暮急擊大破之拔其柵斬朝光及大將盧子昌斬首五千餘級生虜八百餘人居五日進軍徑戰燧自將銳

兵扼其衝口凡百餘合士皆決死悅兵大敗斬首萬餘生虜九百人得穀三十萬斛器甲稱是悅收兵夜走邢州圖亦解尋加魏博招討使三年正月田悅求救於淄青嘗山李納遣大將衛俊將兵僅萬人以救悅李惟岳亦遣三千餘人救悅收合散兵二萬餘壁於洹水淄青軍其東嘗山軍其西首尾相應燧帥諸軍合擊悅軍亂赴水斬首二萬殺賊大將孫晉卿安墨啜生獲三千餘人溺死者不可勝數淄青軍殆盡死者相枕籍三十里悅收兵得千餘人走夜至魏州城將李長春閉門不納久之追兵不至比明乃納既

入殺長春嬰城自守數日李再春以博州降悅兄昂以洛州降王光進以長橋降悅遣大將符璘李瑤將五百騎送淄青遺兵廻因降燧魏城先引御河入城南流燧令塞其領口流絕城中益急恐悅乃遣許士則候賊徒步間說朱滔王武俊借兵求救時王武俊已殺李惟岳傳首獻於闕下授武俊鎮冀觀察都防禦使時武俊同列張孝忠已爲節度使武俊獨爲防禦使其甚怨望且素輕孝忠恥居其下因與悅通謀遂與朱滔約謀救悅悅恃兵且至又出兵二萬背城而陣燧與諸軍擊破之五月加燧同平章事四年十月

德宗幸奉天燧引軍還太原遣行軍司馬王權將兵五千赴行在興元元年七月加燧奉誠軍及晉絳慈隰節度諸軍行營副元帥與渾瑊駱元光同討河中李懷光九月十五日燧帥步騎三萬次於絳分兵收夏縣畧積山攻龍門降其將馮萬興任象王燧以兵攻絳州十月拔其外城其夜僞刺史王克同與大將達奚小進棄城走降其衆四千人又遣大將李自良谷秀分兵畧定聞喜夏縣萬泉虞鄉永樂猗氏六縣降其將辛旒及兵五千人貞元元年軍次寶鼎敗賊騎兵於陶城前鋒將李黯追擊之射殺賊將徐伯文

斬首萬餘級獲馬五百匹七月與渾瑊駱元光韓遊
瓌軍次于長春宮懷光將徐庭光以兵六千守宮城
燧挺身城下招諭之先一日賊焦籬堡守尉珪以兵
二千因堡降庭光東道旣絕乃率衆出降八月移軍
於焦籬堡其夜賊太原堡守將吳罔棄堡而遁其下
皆降燧率諸軍濟河凡八萬陣於城下是日賊將牛
名俊斬懷光首以城降河中平遷光祿大夫兼侍中
劉玄佐初名洽爲永平軍節度衙將大曆中李靈曜
據汴州反洽將兵乘其無備徑入宋州遂城守詔因
以州隸永平軍節度使李勉署奏宋州刺史建中二

年加御史中丞元宋亳穎節度使時李正己死子納
匿喪叛居無何李洧以徐州從順納怒洧甚遂遣兵
圍彭城詔洽以諸軍救之洽至與納軍戰大敗之斬
首萬餘級繇是轉輸之道復通以功加御史大夫洽
進收濮州降其將楊令暉又分兵挾令暉以徇濮陽
降其將高彥昭以通濮陽津遷兵部尚書復兼曹濮
觀察使尋加左僕射淄青兗鄆招討使又加汴滑都
統副使李希烈攻陷汴州德宗居奉天洽與希烈連
戰賊稍却之興元初以功加平章事希烈兵圍寧陵
洽大將劉昌堅守不下希烈復悉兵攻圍陳州洽遣

劉昌與諸軍救之大破賊兵獲賊將翟崇暉希烈棄
大梁走洽率諸軍進收汴州又以功加汴宋節度遷
司空無幾加本管及陳州諸軍行營都統仍賜名玄
侑

楊惠元為神策軍京西兵馬使鎮奉天大曆中累有
戰功及田悅朱滔反叛召惠元領禁兵三千與諸將
討伐戰御河奪三橋皆惠元之功也尋加簡較工部
尚書以兵屬李懷光建中末自河朔與懷光同赴國
難解奉天之圍

張獻恭為山南西道節度使大曆十二年獻恭上言

破吐蕃萬餘眾於岷州

張光晟為代州都督大曆十三年與迴紇戰于羊武
谷破之迴紇引退先是辛雲京守太原迴紇懼雲京
不敢窺并代知鮑防無武畧乃敢凌逼賴光晟邀戰

勝之北人乃安 時鮑防為太原郡守

張獻甫初為偏裨以軍功累授試光祿卿殿中監德
宗建中初從節度使賈耽征梁崇義於襄漢以功加
試太子詹事及幸奉天興元獻甫首末從渾瑊征討
有功及復京邑累加兼御史大夫

楊朝晟為甘泉府果毅建中初從李懷光討劉文喜

于涇州斬獲生擒居多授驃騎大將軍稍爲右先鋒
兵馬使後李納寇徐州從唐朝臣征討嘗冠軍鋒以
功授開府儀同三司簡較太子賓客德宗在奉天李
懷光自山東赴難以朝晟爲左廂兵馬使將千餘人
下咸陽以擊朱泚加御史中丞實封一百五十戶
王武俊爲成德軍節度建中初朱滔圍貝州武俊與
澤潞節度李抱真合軍於貝丘抱真爲方陣武俊用
奇兵朱滔空營合戰武俊不擐甲而馳之滔望風奔
潰自蹂踐死者十四五收其輜重器甲馬牛不可勝
算滔夜奔幽州

尚可孤爲神策軍夫將建中二年爲荆襄應援淮西
使以所統之衆赴山南累有戰功及涇原兵叛詔徵
可孤軍至藍田賊衆稍盛遂營於七盤山城柵而居
之賊將仇敬忠等來寇可孤頻擊破之因收藍田縣
興元元年三月遷簡較工部尚書兼御史大夫神策
京畿渭南商州節度使四月仇敬忠復來寇可孤率
兵大破焉擒敬忠斬之遂進軍與副元帥李晟決策
攻討可孤之師爲先鋒京師平以功加簡較右僕射
封馮翊郡王

李希烈爲淮西節度建中二年山南東道節度使梁

崇義拒捍朝命迫脇使臣詔諸節度率兵討之加希烈南平郡王兼漢北都知諸道兵馬招撫處置使希烈破崇義衆討平之錄功加簡較右僕射同平章事賜實封五百戶

李抱真爲昭義軍節度建中二年田悅以魏博反乃悉兵圍邢州及臨洛臨洛益急詔河東節度使馬燧及神策兵救之抱真與燧敗悅兵於雙崗斬悅將楊朝光又擊破悅於臨洛遂解臨洛及邢州之圍以功加簡較兵部尚書復與燧大破悅於泚水悅以數百騎走歸魏州復與燧圍魏州又敗悅於城下以功加

簡較右僕射建中末李希烈陷大梁李納反鄆州李懷光又竊據河中抱真獨於擾攘傾潰之中以山東三州外抗羣賊內輯軍士羣賊深憚之興元初加平章事時朱滔悉幽薊軍借兵廻紇擁衆五萬南向以應朱泚攻圍貝州抱真與鎮州王武俊擊破之於經城以功加簡較司空

王虔休爲澤潞兵馬使建中二年節度使李抱真統兵馬與諸將征討河北其雙崗水寨營等陣虔休戰功居多擢爲步軍都虞候

劉昌爲宣武節度劉玄佐左廂兵馬使建中中李希

烈旣陷汴州玄佐遣將高翼以精卒五千保援襄邑城陷翼赴水死自宋及江淮人心震恐時昌以三千人守寧陵希烈率五萬衆陣于城下昌深塹以遏地道凡四十五日不解甲胄躬勵士卒大破希烈希烈退圍陳州刺史李公廉計窮昌從玄佐以浙西兵合三萬人救之至陳州西五十里與賊遇昌晨壓其陣及其未成列大破之生擒其將翟曜希烈退保蔡州自此不復侵軼詔加昌簡較左嘗侍隨玄佐救汴州又加簡較工部尚書後爲四鎮北庭行軍兼涇原節度貞元十四年六月歸化堡健兒作亂逐出大將張

國誠副將張抗詔昌經畧處置昌率兵至堡下告語云但選首惡送之餘悉釋而不問賊竟不從命乃與昌戰城中大敗誅斬六七百人復令國誠入堡李芑爲河陽三城德州節度使以東畿汜水等五縣隸焉建中三年河南北縣大兵詔益以神策汝陝之師芑進收新鄉其城遂圍衛州明年詔與河東節度馬燧等諸軍破田悅於洹水以功加簡較兵部尚書累封郡王

張孝忠爲盧龍節度使建中三年正月大破李惟岳於束鹿初朱滔收束鹿據之進圍深州惟岳乃與田

悅及其衆一萬圍束鹿滔與孝忠合軍擊之滔命勇
敢者數百人蒙猛獸之衣騰奮而前金鼓亂發賊騎
奔軼不能制乘亂縱擊大破之惟岳燒營而遁

高固爲朔方節度渾瑊麾下建中末德宗幸奉天是
時賊兵已突入東壅門固引甲士亂揮長刀連斫數
賊拽車塞闔一以當百賊乃退以功封渤海郡王

李元諒爲鎮國軍副使領軍潼關建中末德宗居奉
天賊泚遣僞將何望之輕騎襲華州刺史董晉棄州
走望之遂據城將聚兵以絕東道元諒自潼關將所
部仍令義兵因其未設備徑攻望之遂拔華州望之

走歸泚元諒乃修城隍器械召募不數日得兵萬餘

五

人軍益振以功加御史中丞賊泚數遣兵來寇輒擊
却之是時尚可孤守藍田與元諒爲犄角賊東不能
逾渭南元諒功居多無幾遷華州刺史兼御史大夫
潼關防禦鎮國軍節度使興元初詔元諒與副元帥
李晟進收京邑兵次于滻西賊悉衆來攻元諒先士
卒奮擊大敗破之進軍至苑東與晟力戰隳苑垣而
入賊聯戰皆敗遂復京師加簡較尚書右僕射
嚴震爲山南西道節度建平末德宗車駕發奉天及
入駱谷李懷光遣數百騎來襲賴山南兵擊之而退

與駕無警急之患尋加震簡較戶部尚書

樊澤爲山南東道節度觀察等使建中末頻與李希烈兇黨接戰前後擒降其梟將張嘉瑤杜文朝梁俊之李克誠薛翼等收唐隨二州貞元二年於襄州東北界泌河口破李希烈賊衆馬步五千人

戴休顏爲奉天行營節度使興元初李晟收京師乃與渾瑊韓遊瓌進軍咸陽破泚斬首三千休顏追賊至中涓橋李晟旣清宮闕休顏與瑊等率兵赴岐陽擊泚餘衆及策勳加簡較右僕射封至六百戶

韓遊瓌爲邠寧節度使興元初李晟移軍東渭橋與駱元光尚可孤分扼京東要路遊瓌與渾瑊戴休顏分典京西要路犄角進攻晟收京師遊瓌二將亦破賊於咸陽論功行封與瑊等

李復爲嶺南節度使貞元五年復奏收復瓊州表曰瓊州本隸廣府管內乾封中山洞草賊翻叛都督李孝逸撫馭失所遂致淪陷已經一百餘年臣羗叛官監察御史姜孟京崖州刺史張少遷等悉力攻討累經苦戰方克舊城便令降人開薙荆榛建立城柵屯集官軍臣竊觀瓊州控壓賊洞若移鎮軍在此必永絕姦謀伏望昇爲下都督府乃加瓊振僖厓萬安五

州招討遊奕使額請停從之

韋臯爲劔南西川節度使貞元九年臯獻獲吐蕃首虜器械旗幟牛馬於闕下初將城塩州德宗命臯出師以分吐蕃之兵臯遣大將董勛張芬出西山及南道破峨和城通鶴軍吐蕃南道元帥論莽熱率衆來援又破之殺傷數千人焚定廉故城凡平柵堡五十餘所十年臯奏西川峨和城擊破吐蕃三萬餘衆及出兵黎雅等州以援雲南攻破吐蕃柵城斬首三千八百級生虜及降吐蕃二百四十人得其器械牛馬十三年收復嵩州

孟元陽爲陳許大將貞元中討吳少誠韓全義五樓之敗諸軍多私歸元陽及神策都將蘇光榮宣州都將王幹各率所部留軍激水破賊二千餘人

郝士美爲黔中經畧招討使貞元中谿州賊帥向子琪連結夷獠控據山洞衆號七八千士美設奇畧討平之詔書慰勞封高平郡公元和六年爲昭義軍節度使會朝廷討王承宗士美兵旣合而賊軍大敗下三營環相鄉屢以捷聞

高崇文爲長武城使憲宗元和元年春以簡較工部尚書充左神策行營節度使統左右神策奉天麟遊

諸鎮兵討劉闢于西川從漢中入遂却劔門之師解梓潼之圍賊將邢泚遁歸屯軍梓州因拜崇文東川節度使成都北一百五十里有鹿頭山扼西川之要關築城以守之連行柵張犄角之勢以拒王師崇文破賊二萬於鹿頭城下明日又破萬勝堆於鹿頭之東凡八大戰皆大捷李光顏軍於鹿頭西大河之口以斷賊糧道賊大駭賊繇江柵將李文悅以三千人歸順而鹿頭將仇良輔舉城降者衆二萬闢之男方叔子胥蘇強先監良輔軍是日械繫送京師降卒投戈而縛者彌十數里遂長驅而南直指成都武陽等

縣城皆鎮以重兵莫不望旗率服師遂流行闢大懼以親兵及逆黨盧文若齎重兵西走吐蕃吐蕃素受其賂具將啓之崇文將高霞寓鄜定進倍道追之至羊灌田及焉自投岷江擒於湧湍之中西蜀平制授崇文成都尹充劔南西川節度使封南平郡王食實封三百戶
高霞寓以長武城軍職元和初授兼御史大夫從高崇文將兵擊劉闢連戰皆克下鹿頭城降李文悅仇良輔蜀平以功拜彭州刺史尋繼崇文爲長武城使封感義郡王

嚴秦爲山南西道節度使元和元年破劉闢賊二千
於神泉縣生擒遊奕將牛文悅
劉濟爲幽州節度元和初烏桓鮮卑數寇邊濟帥師
擊走之深入千餘里虜獲不可勝紀東北晏然五年
討鎮州王承宗以大將軍次於瀛州累破樂壽博陸
安平等縣前後大殺獲賞功頗厚

李光顏爲忠成軍節度元和九年討蔡州下詔光顏
以本軍獨當一面光顏於是引兵臨澗水抗澗曲十
年五月破賊於澗曲又與懷汝節度烏重裔同破賊
於小澗河平其柵十一年連破賊衆後凌雲柵進簡

較左僕射十二年四月敗賊衆三萬于鄆城其將張
伯良奔於蔡州殺其賊十二三獲馬千匹器甲三萬
尋而鄆城守將鄧懷金以城降及裴度至行營率兵
從於方城池口觀板築五溝賊遽至注弩挺刃勢將
及度光顏決戰於前以却之賊平加簡較司空十三
年東討李師道授光顏義成軍節度使數旬之內再
敗賊軍濮陽殺賊數千人十四年西蕃入寇移邠寧
節度光顏忻然卽路擊賊退之累加平章事鳳翔節
度敬宗卽位正拜司徒汴州李宥逐其帥詔光顏率
陳許之師討之營於尉氏俄而誅宥遷太原尹河東

節度使

王沛爲陳許行營兵馬使節度使李光顏討蔡州使沛統兵屯於近郊及進軍連破賊徒頻詔促進諸軍覩釁莫敢先過大殷河者沛領卒五千人夜渡合流口扼其喉而成城於是河陽宣武軍太原魏博等諸軍因得濟合謀倚角而攻圍鄆城沛率先部旅築其壘而對焉賊衆危怖其將鄧懷金乃面縛率衆歸降後元濟旣擒沛從光顏入覲光顏其陳沛之功勞加兼御史大夫其後救塩州以功開拜寧州刺史尋除陳州刺史宣武軍部將李峯亂又詔沛兼節度副使

而討焉有功加簡轂右散騎嘗侍遷充海沂密等州節度觀察處置等使

因弘正爲魏博節度元和十年朝廷用兵討吳元濟弘正遣子布率兵三千進討屢戰有功十三年王師加兵於鄆詔弘正與宣武義成武寧橫海等五鎮之師會軍齊進十一月弘正自帥全師自楊劉渡河築壘距鄆四十里師道遣大將劉悟率重兵以抗弘正結壘相望前後合戰魏軍大捷而李愬李光顏三面進攻賊皆挫敗其勢將危十四年二月劉悟以河上之衆倒戈入鄆斬師道首詣弘正請降淄青十二州

平論功加簡轅司徒同中書門下平章事
弘正子布元和十年統魏之偏師三千會諸軍於唐
州授簡轅秘書監兼殿中侍御史前後十八戰破凌
雲柵下郾城縣布皆有功繇是擢兼御史中丞時裴
度爲招討使嘗觀諸軍城沱口賊有董重質領驍騎
突至度甚危蹙布領騎二百馳救之俄而諸軍繼至
獲免淮西平拜左金吾衛將軍

李愬爲隨唐鄧節度元和十年用兵討蔡愬嘗獲賊
將丁士良李祐皆釋縛用爲親將又降賊將吳秀琳
愬遂以秀琳之衆收吳房縣攻其外城十二年十月

將襲蔡州其月七日留遣從事鄭斌使郾城以取元
惡之首告師期於招撫使裴度且請援焉至期令諸
將列大軍東行六十里至張柴使李祐盡殺賊衆以
義成五百人代鎮之愬又分遣諸將斷諸橋道行七
十里至蔡城下祐與將李忠義先登叱守門者起盡
殺之遂帥師而入乃令擊柝者曰罷柝者死賊以柝
聲如舊不虞我師之來至中城如之領軍鞠場號令
約束賊方覺悟元濟率家僮以固子城時賊將董重
質總數萬人北據洞曲愬曰彼之有拒我者有望於
重質耳乃厚恤其家命其子馳書諭之重質單騎至

愬遣都將李進誠率降卒開子城旣而焚之門壞而元濟擒焉蔡州平愬以功加簡較尚書左僕射克山康道節度使封梁國公食實封五百戶十三年淄青李師道再叛以愬爲武寧軍節度使討之愬破賊金鄉凡十一戰擒賊將五十俘斬萬計淄青平十五年加平章事克昭義軍節度使

烏重裔爲河陽三城節度使元和十年王師討淮西三年重裔與陳許李光顏犄角相應大小百餘戰以至吳元濟誅就加簡較右僕射

韓公武宣武軍節度弘之幼子累授軍職元和十年

將宣武兵萬三千人從李光顏討賊淮西平以功擢爲鄜坊節度兼御史大夫

史憲誠爲魏博軍中右職元和十四年節度使田弘止以全師討李師道令憲誠以先鋒四千人濟河累下其城柵復以大軍齊進乘勝逐北魏博之全師追于鄆州城下師道窮蹙斬其軍首以投于魏軍錄功憲誠超兼御史中丞

王智興爲武寧軍節度李愬衙將元和十四年王師誅李師道智興率徐軍八千會諸道之師進擊與陳許之軍大破賊於金鄉拔魚臺俘斬萬計以功遷御

史中丞賊平授沂州刺史

史奉敬爲朔方衛將元和十四年大破吐蕃於鹽州城下賜奉敬實封五千戶

薛平爲淄青齊登萊五州節度使穆宗長慶元年幽鎮叛杜叔良統橫海全軍討伐不勝棗州爲賊所窘朝廷乃委平以偏師援棗州平卽遣將李叔佐以兵五百救之居數月刺史王稷餘給稍薄兵士怨怒叔佐不能戰宵潰而歸仍推突將馬狼兒爲帥行及青城鎮劫鎮將李自勸并其衆次于博昌鎮復劫其鎮兵共得七千餘人徑取青州城城中兵少力所不敵

平悉府庫并家財厚賞二千精卒逆擊之仍先以騎兵掩其家屬輜重賊衆惶惑反顧因大敗狼兒與其同惡十數輩脫身竄匿餘黨降稍後者猶斬於鞠場其明日狼兒亦就擒戮

劉沔爲鹽州刺史天德軍防禦使唐寶曆間在西北邊累立奇效太和末河西党項羗叛沔以天德之師屢誅其酋渠授振武節度使單于大都護開成中党項雜虜大擾河西沔率吐渾契苾汝陀三部落等諸族萬人馬三千騎徑至銀夏討襲大破俘獲萬計以功加簡較戶部尚書會昌二年廻鶻部飢烏介可汗

奉太和公主至漢南求食過把頭峯犯雲朔北川朝廷移沔爲河東節度使加簡較左僕射與幽州張仲武協力招撫竟破虜寇迎公主還宮以功進簡較司空

李載義爲幽州節度使文宗太和元年李同捷據滄景要襲父爵載義討之累破賊軍以功加檢校司空三年滄景平策勳加平章事四年四月奚寇邊載義上言今月三日發兵入奚界殺奚賊五千餘人主擒刺史縣令大將首領等二百七十三人五月己卯載義上言先發兵深入奚部至四月十七日就其帳擒

奚帥茹羯以功加簡較太保

石雄爲振武軍裨將太和中河西党項擾邊雄累立破羗之功會昌三年廻鶻烏介可汗奉太和公主牙于雲朔北川雄自赴勁騎得沙陀李國昌三部落兼契苾拓拔雜虜三千騎月暗夜發馬邑徑趨烏介之牙炬火燭天鼓譟動地可汗惶駭莫測率騎而奔雄率勁騎追之至殺胡山急擊之斬首萬級生擒五千羊馬車帳皆委之而去遂迎公主還太原以功授豐州刺史克天德防禦等使累遷河中晉絳節度使俄而昭義劉從諫卒其子稹檀主軍務朝議問罪以雄

爲潞府西面招撫使以晉州刺史李丕爲副使王宰
在萬善柵劉汚在石會相顧未進雄越烏嶺破賊石
砦斬獲千計雄旣率先破賊不旬日王宰收天井關
何敬弘王元達亦收磁洛等郡稹危蹙大將郭誼密
款請斬稹歸朝武宗詔雄以七千兵受降雄卽徑馳
潞州降誼盡擒其黨與賊平加簡較司空
張仲武爲幽州節度使武宗會昌中廻鶻赤心宰相
一族七千帳東逼漁陽仲武乃與弟仲至從弟公素
裨將游奉寰王如清率其部下勁兵三萬人大破之
收其侯王貴族千餘人降三萬餘人獲牛馬橐駝旃

墻屬幕不可勝計尋遣從事李周瞳牙門將國從祀
相次獻捷先是奚契丹皆有廻鶻監護使督以歲貢
且爲漢謀事至是仲武遣裨將石公緒等諭意凡戮
八百餘人又廻鶻初遣宣門將軍等四十七人來偵
欲歐雜虜遂逗留其使緩彼師期人馬病死竟不遣
之廻鶻烏介可汗旣敗不敢逃邊乃依康居求活盡
徙餘種寄託于黑車子

高駢爲神策都虞侯咸通初党項羌叛詔駢率禁兵
萬人戍長武城時諸將禦羗無功唯駢伺隙用兵出
無不捷懿宗深嘉之先是李琢爲安南都護貪於貨

賄虐賊夷僚人多怨叛遂結蠻軍合勢攻安南陷之自是累年亟命將帥未能收復五年移駢爲安南都護至則糾合五管之兵暮年之內招懷谿洞誅其首惡一戰而蠻卒遁去收復交州郡邑遷簡較工部尚書天平軍節度使

鄭畋爲鳳翔節度廣明初黃巢陷京闕僖宗西幸畋受詔許承制便宜行事巢遣尚讓將賊衆十餘萬西追車駕畋率本軍逆戰于龍尾陂敗之因傳檄天下繇是諸侯皆舉義兵以赴京師實畋之功也

王處存爲義武軍節度使廣明初黃巢犯闕僖宗幸蜀處存以勤王舉義之功加簡較司空又遣大將張公慶率勁兵三千合諸軍滅賊巢於泰山以功加簡較司空

王重榮爲河中節度留後中和元年黃巢將朱溫舟師自同州至黃鄴兵自華陰至數萬攻之重榮戒勵士衆大敗之獲其兵仗軍聲益振朝廷遂授節旄簡較司空俄而忠武監軍楊復光率陳蔡之師萬人與重榮合賊將李祥守華州重榮合勢攻之擒祥以狗二年京師平以功加簡較太尉同平章事封瑯邪郡王

時溥為武寧軍節度光啓中黃巢攻陳州秦宗權據
蔡州與賊連結徐蔡相近溥出師討之軍鋒甚盛每
戰屢捷巢之敗也其將尚讓以數千人降溥溥將休
言又斬巢首歸徐州溥功居第一累授簡較太尉中
書令封鉅鹿郡王
安文祐為潞州牙門將光啓中潞州軍較劉廣逐節
度使高潯據其城僖宗詔文祐平之既殺劉廣召赴
行在授邛州刺史

册府元龜

册府元龜

李嗣京參閱

西河文翔鳳訂正

豫章黃國琦較釋

將帥部 二十一

立功第十三

梁趙犇初仕唐為忠武軍牙較會昌中壺關作亂隨
父叔文北征收天井關未幾從王師征蠻浹月方克
唯忠武將士轉戰礮洞之間斬獲甚眾本道錄其勲
陔為馬步都虞侯乾符中王仙芝起於曹濮大縱其

徒侵掠汝鄭犍率步騎數千襲之賊黨南奔廣明初以犍爲陳州刺史中和中黃巢東奔先遣驍將孟楷擁徒萬人直入項縣犍引兵擊之衆大潰斬獲畧盡生擒孟楷以功累加簡較兵部尚書右僕射司空潁川縣伯巢黨知孟楷爲陳所擒大驚憤悉衆東來先據激水後與蔡州秦宗權合勢以攻宛丘犍因乞師於太祖引大軍與諸軍會於陳之西北竟攻巢寨賊衆大潰乃以犍爲蔡州節度使於時巢黨雖敗宗權益熾六七年間屠膾中原陷二十餘郡唯陳去蔡百餘里兵少力微日與爭鋒終不能屈文德元年蔡州

平朝廷議勲累加簡較司徒同平章事充忠武軍節度使

犍弟昶初爲陳州防遏都指揮使黃巢將孟楷擁衆萬餘據項城縣昶與兄犍領兵擊破之擒楷以歸不數日巢黨衆悉攻陳以報孟楷之役又與蔡寇合徒兇醜百萬棲於陳郊昶開門決戰擒賊將數人斬首千餘級羣兇氣沮其後連日交戰無不應機俘斬未嘗小衄以至重圍數月志心如一及賊敗圍解朝廷紀勲昶一門之中疊加爵秩當時征鎮之內言忠勇者言守禦者言功勲者言政事者皆以犍昶爲首焉

昶累加簡較右僕射代犍爲忠武節度使亦以陳州爲理所時宗權未滅中原方受其毒陳蔡封疆相接昶每選精銳深入蔡境蔡賊雖衆終不能抗以至宗權敗焉朝廷賞勳加簡較司徒

王敬武唐末爲平盧牙將唐廣明元年無棣人弘霸郎合羣盜於齊棣間節度使安師儒叛敬武率師討平之

李茂貞本姓宋名文通唐末隸博野軍征伐立戰功繇是軍中知名漸爲禪較黃巢之寇闕輔也僖宗幸蜀賊將王璠尚讓屢肆兇鋒文通以宿衛軍留鳳翔

與連帥鄭畋大破尚讓于龍尾陂追奔至於奉天賊平輿駕還京錄功以文通爲神策軍指揮使簡較太保

馮行襲唐末爲金州防禦使時興元楊守亮將襲京師道出金商行襲逆擊大破之升金州爲節鎮以戎昭軍爲額卽以行襲爲節度使

張歸厚唐末爲太祖軍較光啓三年春與秦宗賢戰於萬勝大破之大順元年奏加簡較兵部尚書又命統親軍是歲柳王友裕領諸軍屯于濮州之境十一月太祖率親從騎士將合大軍會柳王遷寨未知所

往忽逢兖鄆餘寇甚衆太祖亟登道左高阜以觀之命歸厚領所部廳子馬直突之出沒二十餘合賊戰敗將北而救軍雲至歸厚卽綴賊苦戰請以數十騎先還時歸厚所乘馬中流矢而踣乃持槊步鬪漸退賊不敢逼太祖至寨亟命張筠劉儒飛騎來迎然謂已歿矣歸厚體被二十餘箭尚復拒戰筠等旣至賊解乃歸太祖見之撫背泣下曰得歸厚身全縱廣喪戎馬何足計乎便令肩舁歸汴日降問賚恩旨甚厚尋遷中軍指揮使景福初從太祖伐鄆帝軍不利太祖爲寇所逼歸厚殿馬翼衛左右馳射矢發如雨賊騎千百披靡而退明年與葛從周禦晉軍於洹水殊績尤著詔簡較右僕射

張歸弁唐末爲軍較乾寧中以偏師佐葛從周禦并軍於洹水光化中又佐張存敬與燕人戰於內黃積前後功表授簡較工部尚書大順初攻討兖鄆命歸弁佐衡王友諒屯單父軍聲甚振尋爲齊州指揮使屬青帥王師範叛遣將詐爲估人挽車數十乘匿器於其中將謀竊發歸弁察而擒之州城以寧明年春青寇大舉來伐州兵旣寡民意頗搖有本郡都將康文爽等三人欲謀外應卽時擒獲誅之人心遂定

歸弁又罄發私帑賞給士伍青人遂遁青州平超加簡較右僕射遙領愛州刺史從征荆襄廻轉簡較左僕射天祐三年春太祖入魏誅牙軍魏之郡邑多叛歸弁與諸將等分布攻討封境悉平而歸弁於高堂入賊大猛飛矢中于臆太祖嘉之命賜銀鞍勒馬一疋金帶一條夏五月命權知晉州刺史加簡較司卒太祖受禪改滑州長劍指揮使開平二年秋九月并軍圍平陽詔歸弁統兵救之軍至解其圍加簡較司徒

劉知俊唐末爲軍較大順中從太祖討秦宗權及攻徐州皆有功補徐州馬步軍都指揮使攻海州下之遂奏授刺史天復初歷興懷鄭二州從平青州以功奏授同州節度使天祐三年冬以兵五千破岐軍六萬於美原自是連克鄜延五州乃加簡較太傅平章事開平二年三月命爲潞州行營招討使知俊未至潞州夾寨已陷晉人引軍方攻澤州聞知俊至乃退尋改西路招討使六月大破岐軍於幕谷俘斬千計李茂貞僅以身免

康懷英唐末爲太祖軍較光化元年秋從氏叔琮伐襄漢懷英以一軍攻下鄧州三年從征河朔佐張存

敬敗燕軍於易水之上天復初年冬太祖率師迎昭宗於鳳翔時李茂貞遣大將符道昭領兵萬餘屯武功以拒太祖太祖命諸軍擊之以懷英爲前鋒領衆先登一鼓而大破之虜甲士六十餘人奪馬二千匹翼日太祖方至顧左右曰邑名武功今首盪逆黨真武功也乃召懷英大加獎激仍以駿馬珍器賜之二年四月符道昭復領大軍屯於號縣之漠谷太祖遣懷英提騎數千急擊之岐軍大敗八月鄜帥李周彝屯軍於三原以援鳳翔太祖命懷英討之追至梨園攻下翟州擒其守來獻天祐三年冬佐劉知俊破邠

鳳之衆五萬於美原收十五餘寨乘勝引軍攻下鄜州以功授陝州節度使

朱友恭唐末從太祖四征稍立軍功累遷諸軍都指揮使汝州刺史簡較司空光化初淮夷侵鄂渚武昌帥杜洪來乞師太祖遣友恭將兵萬餘濟江應援引兵至龍沙九江而還軍聲大振時淮寇據黃州友恭攻陷其壁獲賊將翟章俘斬萬計途經安陸圍襲殺刺史武瑜盡收其衆以功爲潁州刺史加簡較司徒劉康乂唐末從太祖鎮宣武累典親軍襲巢破蔡斬獲尤多累以戰功遷元從都將從太祖連年攻討徐

充鄆所向多捷

范居實唐末爲太祖將從討巢蔡有功又從朱珍收滑州改左廂都虞侯預破兗鄆功遷感義都頭鄭州馬軍指揮使幽州劉仁恭舉衆南下寇魏郡北闔居實與葛從周張存敬率兵救魏大破幽滄之衆於內黃太祖迎昭宗於岐下以居實爲河中馬軍都指揮使及昭宗還京賜迎鑾毅勇功臣遙領綿州刺史又遷左龍驤馬軍都指揮使從征淮南迴改登州刺史轉左神勇軍使

胡真唐末爲太祖元從都將從破巢蔡於陳鄭間尋以奇兵襲取滑州乃署爲滑州節度留後

苻道昭唐末爲太祖元帥府右司馬與李周葵同領寇彥卿南大豐閻寶已下大軍伐滄州及太祖幸魏州討衙中軍前有魏博將山河營指揮使左行遷聞府有變引軍還屯歷亭自稱留後從亂者數萬人道昭佐周葵與彥卿已下大破之殺四萬餘人擒左行遷斬之有史仁遇亦聚徒數萬據高唐又破之擒仁遇以獻乘勝取澶博二州平之復殺萬餘人王處裕唐末自巢寇來降爲太祖騎兵前鋒太祖擊巢蔡於陳州處裕連拔數寨擒獲萬計巢孽旣遁處

裕躡其跡追至萬勝戍賊衆饑乏短兵纒接而潰太
祖以其勞表授義州刺史蔡人日縱侵掠陳鄭許亳
之郊頗年大戰處裕掩襲攻拒凡百餘陣勦戮生擒
不知紀極

李唐賓唐末自巢黨與王處裕來歸太祖後與朱珍
趣淄州所向摧敵乃取滑平蔡前後破兗鄆淮徐之
衆功與朱珍畧等珍之擒石潘也唐賓亦泐淮與郭
言犄角下盱眙其後渡河破黎陽李固等鎮攻澶州
下內黃敗魏師未嘗不與珍同暨攻蔡之役珍自西
南破其外垣唐賓亦堙壕坎墉摧其東北隅及伐蔡

取豐時溥軍於吳康珍亟遇之未能却唐賓引本軍
擊敗之珍遂大勝每與師必與珍借用故往無不利
李思安唐末副王處裕爲踏白將渡長淮下天長高
郵二邑又推孫儒迫濠州皆有奇績累遷爲諸軍都
指揮使奏官至簡較左僕射尋拜亳州刺史
胡規唐末爲宣武軍都虞侯佐葛從周伐鎮定從張
存敬收晉絳皆有功署爲河中都虞侯天祐三年佐
李周尋討相州獨當州之一面頗以功闡軍還權知
耀州事太祖受禪除右羽林統軍尋從劉鄩統兵收
潼關擒劉知浣獻之乃以爲右龍虎統軍兼侍衛指

俾使

黃文靖唐末爲諸軍指揮使從太祖南平巢蔡北定
兗鄆皆有功後與康懷英渡淮入壽春之境下安豐
霍丘至光州而還光化初晉將李嗣昭周德威寇於
山東文靖佐葛從周統大軍禦之至沙河敗晉軍五
千餘騎逐之越張公橋乃止後旬日復與晉人戰於
邢州之北擒蕃將賁金鐵慕容滕李存建等百餘人
奪馬數千匹尋以功表授簡較右僕射耀州刺史天
祐三年春命佐楊師厚深入淮甸越壽春侵盧江軍
至大獨山遇淮夷殺五千餘衆振旅而還改蔡州刺

史加簡較司空

李重裔唐末爲太祖步軍都頭與胡真授河陽逼懷
州重裔以部下兵突之射中蕃將安休休又令與李
讜騎軍至陝應接郭言廻次澠池破賊帥黃花子之
衆改滑州夾馬指揮使蔡賊圍汴重裔以步兵攻下
三寨虜獲甚多太祖大舉伐秦宗權俾重裔以滑兵
爲先鋒及東討徐州下豐肅二邑轉右廂步軍指揮
使

李讜唐末爲左得勝騎軍都將從太祖討蔡賊頗有
軍功及東伐兗鄆以所部士伍俘獲甚衆改元從騎

表授簡較右僕射

氏叔琮唐末爲晉州節度使以禦晉軍時太祖遣朱友寧將兵數萬赴應悉委叔琮節制旣至諸將皆欲休軍叔琮曰若然則賊必遁矣遁則何功焉因夜出潛師截其歸路遇晉軍游騎數百盡殺之遂攻其壘拔之斬獲萬餘衆奪馬三千匹太祖聞之喜謂左右曰殺蕃賊破太原非此老不可叔琮乃長驅收邠州與晉人轉戰直抵并壘軍廻以其功奏簡較司空張慎思唐末爲太祖諸軍都指揮使從平巢蔡亮鄆皆著軍功表授簡較工部尚書兼宋州長史

王景仁唐末爲宣州節度使劉知俊之叛也從駕至陝始佐楊師厚西入關兵未交知俊棄馮翊走進虜雍華降王建張君練頗預戰有功太祖嘉之末帝節位用爲淮南西北面行營招討應接使以兵萬人伐壽州至霍丘接戰擒賊將袁叢王彥威王燔等送京師

劉鄩爲左龍武統軍克侍衛親軍馬步都指揮使開平三年夏同州劉知俊反引岐人襲據長安分兵扼河潼太祖幸陝命鄩西討卽奪潼關擒知俊弟知浣以獻遂引兵收復長安知俊棄郡奔鳳翔太祖以鄩

爲佑國軍兩使留後尋改佑國軍爲永平軍以鄴爲節度使簡較司徒行大安尹金州管内觀察使是時西鄙未寧密邇寇境鄴練兵撫衆獨當一面四年加簡較太保同平章事

謝彥章爲兩京馬軍都軍使貞明中累與晉軍接戰有功

寇彥卿爲鄧州節度使貞明中淮人圍安陸彥卿奉詔領兵解圍大破淮賊而還

賀瓌爲北面行營招討使貞明四年與晉人戰於胡柳晉人敗績臨陣斬晉將周陽五旣虜軍亦敗五年春正月晉人城德勝夾河爲柵四月瓌率大軍攻其南柵以艤艦戰艦扼其中流晉人斷我艤艦濟軍以援南柵瓌退軍於行臺

後唐李嗣本乾寧中爲馬軍都將從李嗣昭討王暉於雲州論功加簡較司空後爲雲州防禦使時周德威討劉守光嗣本率代玘諸軍生熟吐渾收山後八軍得納降軍使盧文進武州刺史高行珪以獻幽州平論功授振武節度使

朱漢賓唐末事梁太祖與諸將破蔡賊有功天復中授右羽林統軍

丁會唐末爲宣武軍都押衙自梁祖誅秦宗權併時溥屠朱瑄朱瑾會嘗以兵從多立奇功授昭義軍節度使同平章事武皇攻潞會以州歸授都招討使加簡較太尉莊宗嗣王位與會決謀破汴軍於夾城關西寶與葛從周丁會賀德倫李思安各爲大將擁兵西出所至立功累遷邢洛節度使天祐十三年以邢州歸於莊宗授簡較太尉同平章事克天平軍節度使東南面招討使十八年張文禮謀叛以寶爲招討使進攻之下趙州渡漳水而軍擒文禮所署深州

刺史張友順折足送於行臺營於西北隅治十九年正月契丹大至衆心危懼寶備陳方畧遂控獯戎加簡較侍中

安金全武皇時爲騎將屢從征伐所在立功莊宗之救潞州及平定河朔凡有戰陣金全皆有功累爲刺史

石君立爲招義李嗣昭牙較歷典諸軍天祐中夾城之役君立每出挑戰壞汴軍柵壘俘擒而還八年與汴軍戰於龍花園敗之獲其大將卜渥以獻王檀之逼晉陽也嗣昭遣君立率五百騎自上黨朝發暮至

王檀游軍扼汾橋君立一戰敗之徑至城下馳突斬
孛梁軍敗走

康思立爲河東親騎軍使天祐中從莊宗解圍於上
黨敗梁人於柏鄉及平薊丘後戰於河上皆有功累
遷右突騎指揮使

毛璋爲遼州刺史天祐中從莊宗征河上屢有戰功
同光元年梁平授華州節度使三年王師討蜀以璋
爲行營右廂馬軍都指揮使克魏王繼岌前驅蜀平
草功居多授邠州節度使

夏魯奇爲護衛指揮使天祐中從周德威平幽州魯
奇功居多歷磁州刺史中都之戰汴人大敗魯奇見
王彥章識之單馬追及擒之以獻梁平授鄭州防禦
使

索自通爲廳直指揮使天祐中佐周德威攻燕軍於
涿州旬日未克自通乃選精騎二十夜薄幽州外郭
擒燕將郭在均而還同光中累遷西京留守會楊彥
溫據河中作亂自通率師討平之授河中節度使
李紹文本姓張名從楚天祐八年自梁將歸於莊宗
賜姓名累加博州刺史預破劉鄩於故元城歷貝隰
代二郡刺史領天雄軍馬步副都將又於德勝從閻

寶討張文禮爲馬步都虞侯明宗收鄆州以紹文爲
右都押牙馬步軍都將從破王彥璋於中都

張溫爲永清都較歷武州刺史山後八軍都將天祐
中從莊宗襲契丹下幽州收新州歷銀槍效義都指
揮使同光初北戎陷媯儒擅順平薊六州武州獨全
改授蔚州刺史

李漢韶爲河東牢城指揮使天祐中孟知祥權知太
原軍府事會契丹侵北鄙表令漢韶帥師進討旣而
人破胡寇以功加簡較右僕射

李存進爲天雄軍都指揮使天祐十九年莊宗討張

文禮於鎮州定州王處球盡率城中兵甲乘我芻牧
無備奄至東垣渡我騎軍已臨賊城不覺其出賊旣
上橋攻我營門存進惶駭引十餘人闖於橋上賊退
我騎軍已邀賊後前後夾擊之賊退無路圍之數重
步兵七千殆無生還者
霍彥威初仕梁爲河陽留後乾化未破劉知俊於同
州攻邠州節度使同光二年從明宗平洛州授徐州
節度使莊宗時契丹犯塞明宗招討北面命彥威爲
副趙大叛於邢州奉詔討平之天成初除鄆州節度
使值青州王公儼拒命改平盧軍節度擒公儼於膠

水盡斬其黨累加簡較太尉

孔勣初仕梁爲唐鄧節度使貞明中王球據襄州叛勣討平之授山南東道節度使

王晏球初仕梁末帝初爲龍驤四軍都指揮使時汴州捉生鄒作亂夜縱火焚剽攻建國門末帝登樓拒戰晏球聞其亂也得龍驤馬五百騎屯於鞠場俄而亂兵以竹竿豎布幕沃油焚建國門勢將危急晏球隔門窺亂卒知無甲冑卽出騎擊之亂兵北走屯國門下晏球奮力血戰俄而羣賊散走末帝見騎軍討賊呼曰非吾龍驤之士乎晏球曰臣已敗賊請陛下

無憂遲明晏球盡敗亂軍全營族誅以功授單州刺史明宗時爲宋州節度使天成二年克北面行營副招討使兵戍滿城是歲王都謀叛據定州乃以晏球爲招討使攻之時都北連契丹契丹遣奚首領禿餒率虜千騎援都突人定州晏球引軍保曲陽王都禿餒出軍來戰晏球預督勵士卒以待之及賊虜至一戰敗之於嘉山之下追襲至於城門因進軍攻之得其西關城乃高其壁壘營於其間爲定州府署令百姓轉輸租稅城旣堅峻進攻無利但食其租稅以守之俄而契丹首領惕隱率虜騎五千來援都是時大

兩虜至唐河晏球出師逆戰晏球令龍武左右廂指揮使高行周苻彥卿前鋒渡唐河與虜相遇三戰楊隱大敗追至易州河水暴漲所在陷溺獲虜二千騎而還楊隱以餘衆還寨幽州趙德均知其敗也令牙將武從諫率勁騎追擊德均分兵扼諸要路旬日之內盡獲楊隱已下酋長七百餘人虜勢繇是援絕其年冬平賊以功授天平軍節度使

康延孝爲招收指揮使領博州刺史同光元年莊宗平汴延孝頗有功焉以功累遷保義軍節度使三年討蜀以延孝爲西南面行營馬步軍先鋒排陣斬斫等使下鳳州收固鎮降興州敗王衍軍於三泉平蜀之功延孝居最

王思同爲馬軍左廂都指揮使領薊州刺史同光中從明帝援糧入幽州逐虜有功遷鄭州防禦使長興中自秦州節度使入爲右武衛上將軍會董璋據東川叛命除西南面行營馬步軍都虞侯伐蜀之役爲先鋒指揮使至劍門思同以備衆取小劍門入倒迴收下劍門及班師以思同留鎮山南西道任圜爲工部尚書同光中從魏王繼岌伐蜀及班師行及利州康延孝叛以勁兵八千欲廻都西川繼岌

署園爲招討副使與都指揮使梁漢顥等率兵攻孝
廷於漢州擒之以旋至渭南繼岌遇害園代總全師
朝於維陽明宗嘉其功拜平章事判三司

西方鄴爲奉義指揮使天成元年荆渚違命明宗素
知其材力擢授夔州刺史克東南西行營招討副使
鄴將偏師收復峽內三州二年昇夔州爲寧江軍以
鄴爲節度使屢奏克捷

藥彥稠爲河陽馬步都將領鄧州刺史天成中從王
晏球討王都於定州平之遷侍衛步軍都虞候領壽
州節度使會河中指揮使楊彥溫作亂以彥稠爲副

招討使討平之長興中吐蕃劫廻鶻入朝使烏崙紅
貢物詔遣方渠屯戍充步騎都部署尋令入吐蕃過
靈武道士橋搜索盡獲廻鶻所貢馳馬寶玉藥物因
殺爲盜蕃部擒首領而還尋授邠州節度使

孫璋爲齊州防禦使天成中王都據中山叛以璋爲
定州行營都虞候賊平加簡較太保

張虔爲護駕親軍都指揮領秦州刺史天成中與諸
將圍王都於中山大敗契丹於嘉山之下及平定州
以功授滄州節度使

李紹真爲北面副招討使同光四年紹真遣人奏收

復邢州擒賊帥趙泰等二十一人令負斧鑕徇於鄴城下旣而磔於軍門

安審通爲齊州防禦使天成中奉詔北征從房知溫營於盧臺會龍脰部下兵亂審通脫身酒筵奪船以濟促騎士介馬及亂兵南行盡戮之以功加簡較太傅充滄州節度使

晉陸思鐸初仕梁爲廣武都指揮使歷突陣拱辰軍使積前後戰勲累官至簡較司徒拱辰左廂都指揮使遙領恩州刺史

張朗初仕梁爲鄆州都指揮使從招討使段凝襲衛

州下之遂授衛州刺史

李周初仕後唐補萬勝黃頭軍使武皇之平雲州莊宗之戰柏鄉周皆有功遷定霸都指揮使天成三年爲邠州節度使會慶州刺史竇琬據城拒命周奉詔討平之

梁漢顯太原人少事後唐武皇初爲軍中小較善騎射勇於格戰莊宗之破劉仁恭王德明及與梁軍對壘於德勝皆預其戰累功至龍武指揮使

李承約初仕後唐爲定霸都指揮使領貝州刺史從莊宗破夾寨及梁人戰於臨清有功累遷潁州團練

使宗初仕後唐爲偏較從莊宗戰潞州柏鄉德勝
李德玟初仕後唐爲偏較從莊宗戰潞州柏鄉德勝
渡繼有軍功累加簡較尚書左僕射
安元信初仕後唐爲鐵林都較梁將氏叔琮之攻河
東也別將葛從周自馬嶺入元信伏于榆次挫其前
鋒梁將李思安之攻上黨也王師將壁高河爲梁軍
所逼別將秦武者尤爲難敵元信與鬪斃之繇是梁
軍解去城壘得立武皇賜所乘馬及細鎧仗遷突陣
都將莊宗嗣晉王位元信從救上黨破夾寨復澤潞
以功授簡較司空遼州刺史後爲山北管内團練使

莊宗降邢臺劉鄩於故元城皆預其功俄遷博州刺
史

相里金初仕後唐爲小較與梁師戰於柏鄉及胡柳
陂以功授黃甲指揮使同光元年統帳前軍拔中都
賜忠勇拱衛功臣
張廷蘊初仕後唐爲左右羽林都虞侯同光中潞州
李繼儔叛廷蘊從明宗爲前鋒討之軍至上黨日已
暝矣廷蘊首率勁兵百餘輩踰洹坎城而上守陴者
不能禦尋斬闕廷諸軍入焉軍還改左右羽林都指
揮使

李從璋初仕後唐爲彭國軍節度使天成二年怛達諸部入寇從璋率麾下出討一鼓而破之
張從賓初仕後唐莊宗爲爪牙從戰有功明宗天成中自捧聖指揮使領鄧州刺史後移左右羽林都較討楊彥溫於河中平之
潘環初仕後唐爲棣州刺史天成中定州王都叛以爲行營右廂步軍都指揮使賊平改易州刺史開運初契丹入寇王師北征環以金州節度使充北面行營步軍左廂排陣使預破契丹於陽城軍迴授澶州節度使

范延光爲宣武軍節度使會魏府屯將張令昭逐其帥劉延皓據其城令延光討而平之遂授鄴都留守衛審除初仕後唐爲河中都指揮使康福除靈武節奉宣授送赴鎮爲一行步軍都指揮使破吐蕃於青崗峽擊李賓於河西有功授鄆州刺史簡較司空李瓊初仕後唐爲侍衛牙隊指揮使長興中從高祖討東川至劍州瓊以部下兵破賊軍數千身負重瘡軍還改龍武指揮使清泰中屯雲州累擒獲契丹人馬以功改右奉聖軍指揮使
方泰爲奉國都虞侯屯渭州天福初會苻彥饒亂泰

與馬萬盧順密等擒之使秦縛送至闕尋從杜重威破張從賓於汜水以功除趙州刺史從楊光遠平范延光於鄴移刺萊州
劉處讓爲左監門衛上將軍克宣徽南院使天福二年范延光據鄴城叛命宣武軍節度楊光遠前靈武節度張從賓等討之時處讓奉詔與光遠同祭議軍政從賓行次河陽密與延光連結以兵南入雒京東抵成臯將犯梁城謀爲大逆處讓奉詔自黎陽分兵討襲從賓平復又與楊光遠攻鄴四年冬范延光將謀納款尚竊疑留處讓親入以禍福諭之乃決歸命

以功轉簡較太傅

郭金海爲護聖都虞候天福二年從王師討范延光於魏州以功轉本軍都指揮使領黃州刺史是歲安從進謀犯闕以金海爲襄州道行營先鋒都指揮與李建崇等同於唐州湖陽遇從進萬餘人金海以一旅之衆突擊大敗之策勲授簡較太保商州刺史馬全節除安州節度使將赴鎮會金全據安州叛引淮南軍爲援因命全節將兵討之殺數千人俘四百餘人送闕俄復鄆鄉以功加簡較太尉授招義軍節度使六年移鎮邢州安重榮之叛也授鎮州行營副

招討兼排陣使與重榮戰於宗城大敗之鎮州平加
開府儀同三司克義武軍節度使開運元年授鄴都
留守尋加天雄軍節度使北面行營副招討使陽城
之戰甚有力焉

王清爲奉國軍都虞候天福六年襄州安從進叛高
行周討之踰年不下清請先登諸軍繼後遂拔其城
累遷溪州刺史八年詔遣以所部兵屯於鄴九年春
契丹南牧圍其城清與張從恩守之少帝飛蠟詔勉
諭錫之第宅虜退以干城功繼遷軍額開運二年從
杜重威北征解陽城之圍加簡較司徒

程福贊爲軍較天福七年從杜重威討鎮州與安重
榮大戰於宗城以功遷洛州團練使簡較太保

皇甫遇爲鄧州節度使少帝卽位罷歸闕下二年虜
南寇從至澶州戰於鄆州北津虜衆大敗溺死者數
千人以功拜滑州節度使

漢王周初仕後唐爲裨較以戰功累歷都守晉天福
初范延光叛於衛州周從杜重威討之以功授貝州
節度使

劉在明初仕後唐爲捧聖左廂都指揮使領和州刺
史從明宗幸汴州至滎陽聞朱守殷叛用爲前鋒至

汴城率先登城賊平授汴州馬步軍都指揮使晉天福初爲安州刺史會李金全以安州叛在明從李守貞攻之大破淮賊以功授安州防禦使明年移絳州楊光遠據青州叛召爲行營馬步軍都指揮使青州平遷相州留後高祖踐阼授幽州道行營都部署時虜守中山在明出師經畧虜乃棄城而去遂授鎮州留後

杜重威初仕晉典禁軍遙授舒州刺史天福二年張從賓構亂據汜水晉高祖遣重威與侯益率衆破之以功授潞州節度使與楊光遠降范延光於鄴城改

許州節度使累遷侍衛親軍馬步軍都指揮使及鎮州安重榮稱兵向闕下重威禦之重威敗重榮於宗城重榮奔據嘗山重威尋拔其城斬重榮首傳於闕下授成德軍節度使

李守貞初仕晉爲侍衛馬步軍都虞侯領滑州節度使開運元年春虜衆犯澶魏少帝幸澶州虜王遣將麻答以奇兵繇鄆州馬家口濟河立柵於東崖守貞率師自澶州馳赴之契丹大敗溺死者數千人晉少帝還京以守貞爲交州節度使是歲以守貞爲青州行營都部署率兵二萬東討楊光遠降之以功加同

平章事二年春虜王全軍南下前鋒至相州湯陰縣以守貞爲北面行營都監與招討使杜重威北伐洎獲湯城之捷遂收軍還累加侍衛都指揮使領鄆州節度使三年夏爲北面行營都部署軍到長城北二十里與蕃賊千餘騎相遇轉鬪行四十里悉驅擁入河所得首領解里相公首級

王景崇爲右衛大將軍乾祐元年春鳳翔侯益永興趙贊以受契丹僞署引蜀軍至南山詔委景崇以西面之事景崇至雍趙贊已入朝遂部分雍軍破蜀寇於子午谷糾合諸軍再破蜀軍於大散關詔景崇爲

鳳翔巡簡

李彥從爲左飛龍使領恩州刺史乾祐中趙暉討王景崇於岐下彥從爲兵馬都監破州軍有功賊平授濮州刺史

周周密字德峯初仕後唐武皇爲軍職莊宗之平嘗山明宗之襲汶陽密皆從征有功

安審暉初仕後唐莊宗從平幽薊戰山東定河南皆預其功晉天福五年李金全據安州叛詔馬全節爲都署領兵討之以審暉爲副安陸平移鎮鄧州

馮暉初仕後唐爲軍較同光中從明宗征潞州楊止

有功又從魏王繼岌伐蜀蜀平授夔州刺史又從晉高祖討蜀蜀人守劔閣暉領部下兵踰險阻從他道出於劔門之左掩擊殺之守兵殆盡會晉祖班師以暉為澶州刺史

宋彥筠初仕後唐典禁軍同光中伐蜀之役彥筠率所部從康延孝為前鋒蜀平歷維渝州刺史晉初自汝州防禦使從高行周破安從進於襄陽以功拜鄧州節度使

高行周初仕後唐為絳州刺史天成中預平朱守殷於浚下其攻王都於中山與符彥卿為軍馬左右廂都將敗王都擒禿餒首功也累遷天平軍節度使杜重威據鄴叛用行周總兵討之鄴平授鄴都留守太尉封臨清王

李從敏初仕後唐為陝府節度使天成中王都據定州叛命宋州王晏球為招討命率師北伐以從敏為副領滄州節度使王都平移授定州節度使李懷忠初仕後唐為陝府都指揮使天成中康福授靈武節度時蕃部作梗屯于保靜命懷忠援送攻破詣戎道途無滯歷許州滄州都指揮使遷領辰州刺史

史

趙暉初仕晉爲禁軍指揮使天福初從馬全節圍平陸佐杜重威戰宗城皆有功開運末以步兵屯於陝關漢建義并門乃與部將王晏侯章叶謀戮契丹爲命官屬據有陝州馳騎聞於漢祖乃命暉爲陝州節度使乾祐初移鎮鳳翔加同平章事屬王景崇叛據岐山不受代以暉爲西南面行營都部署統兵以討之時李守貞叛於蒲趙思綰據於雍與景崇暹相爲援又引蜀軍出自大散關勢不可遏暉領兵數千戰而勝明年拔其城加簡較太師兼侍中

李建崇初仕晉爲申州刺史天福七年夏晉祖幸鄴

襄州安從進與鎮州安鐵胡合從構逆從進出軍攻南陽時州刺史武廷翰慮賊攻寇繼以湖陽王簿嚴景思覘賊狀告急于朝時建崇步騎千餘北屯葉縣開封尹鄭王遣兵馬都監宣徽使張從恩皇城使焦繼勳率在京諸軍及葉縣軍拒賊至湖陽縣之花山遇從進軍建崇接戰大破之移授亳州團練使襄陽平遷安州防禦使

劉詞初仕晉爲奉國第一軍都虞侯天福中從馬全節伐安陸敗淮賊萬餘衆晉祖嘉之授奉國都較賜扈鑾忠孝功臣加簡較司空漢乾祐初李守貞叛於

河中克行營都虞侯屯於河西守貞遣敢死士數千
夜入其營諸將惶怖唯詞口小盜耳不足驚也遂免
冑橫戈叱短兵擊之賊衆大敗而退河中平周太祖
嘉其功表爲華州節度使

王令溫初仕晉爲洛州團練使及安重榮稱兵於鎮
州晉高祖以令溫爲行營馬軍都指揮使與都帥杜
重威敗賊於宗城以功授亳州防禦使

王饒初仕晉爲奉國軍較屬范延光叛命於鄴張從
賓以兵連之朝廷命將討焉饒以偏裨從繇善戰功
遷本軍都虞侯累加簡較尚書左僕射復以下嘗山

功加簡較司空遷本軍都較領連州刺史時安從進
叛於襄陽晉祖命高行周率兵討之以饒爲行營步
軍都指揮使賊平第功授梁州刺史

安審琦初仕漢爲山南東道節度使兼中書令屬荆
人叛命潛遣舟師數千將屠襄郢審琦禦之而遁朝
廷嘉之就加守太保進封齊國公崇文皇帝時也
折德哀爲府州防禦使廣順二年二月劉崇賊軍三
千餘人入州境德哀與巡簡使李處稠同部領兵士
殺賊二千收奪衣甲鞍馬萬餘事是月德哀言出兵
收下河東界哥嵐軍使張德仁十寨都指揮使蘇審

並斬之已遣人於岢嵐軍守禦

曹英為昭武軍節度使侍衛步軍都指揮使廣順二

年春總兵討慕容彥超於兗州梯衝壘頗有力焉

及凱旋授彰信軍節度使總兵如故

史彥超為鄭州防禦使顯德初劉崇之寇潞州也世

宗親征以彥超為先鋒都指揮使高平之戰先登陷

陣以功授華州節度使

王漢璋為右龍武將軍顯德五年正月從征淮南收

下海州詔以漢璋為海州刺史

冊府元龜

終

